

1. Föll og markgildi

Stærðfræðigreining IB, 29. ágúst 2012

Benedikt Steinar Magnússon, bsm@hi.is

1.1

Markgildi og samfelldni

Námskeiðið

Viðfangsefnið

There is a theory which states that if ever anybody discovers exactly what the Universe is for and why it is here, it will instantly disappear and be replaced by something even more bizarre and inexplicable. There is another theory which states that this has already happened.

-Douglas Adams

1.2

Stærðfræðigreining

Grunnhugmyndin

Stærðfræðigreining grundvallast á því að mæla breytingu (oft með tilliti til tíma)

- Eðlisfræði; hraði, hröðun, massi, orka, vinna, afl, þrýstingur
- Rúmmál; flatarmál, rúmmál, lengd, massamiðja
- Hagnýtingar; hagfræði, stofnstærðir, háþörmun/lágþörmun
- Stærðfræði; markgildi, hermun, jafnvægisástand

Sagan

Sett fram samtímis, en óháð, af Isaac Newton og Gottfried Leibniz í lok 17. aldar.

1.3

Ítarefni

Fyrir nánari útlistun á hugtökunum sem við fjöllum um þá er hægt að skoða

- <http://stæ.is> (hugtakasafn og orðaskrá)
- <http://planetmath.org>
- <http://mathworld.wolfram.com>
- <http://en.wikipedia.org> (ath. enska útgáfan)



Sir Isaac Newton (left) and Gottfried Wilhelm von Leibniz (right)

Forrit

- GeoGebra <http://www.geogebra.org>
- WolframAlpha <http://www.wolframalpha.com>

1.4

Föll**Tölur****1.1 Skilgreining**

- (i) Náttúrlegu tölurnar eru tölurnar $1, 2, 3, 4, \dots$ og mengi þeirra er táknað með \mathbb{N} .
- (ii) Mengi heiltalna er táknað með \mathbb{Z} . $\mathbb{Z} = \dots, -2, -1, 0, 1, 2, 3, \dots$
- (iii) Mengi ræðra talna er táknað með \mathbb{Q} . $\mathbb{Q} = \{\frac{p}{q}; p, q \in \mathbb{Z}\}$.
- (iv) Mengi rauntalna er táknað með \mathbb{R} .
- (v) Mengi tvinntalna er táknað með \mathbb{C} .

1.2 Athugasemd

Margir vilja telja 0 með sem náttúrlega tölu. Það er eðlilegt ef maður lítur á náttúrlegu tölurnar þannig að þær tákni fjölda. Ef maður lítur hins vegar þannig á að þær séu notaðar til að númera hluti þá er 0 ekki með.

1.5

1.3 Smíði rauntalna

Rauntölur eru smíðaðar úr ræðu tölunum með því að fylla upp í götin.

T.d. eru

$$\begin{aligned}\pi &= 3,1415926\dots, & \text{og} \\ \sqrt{2} - 4 &= -2,58578\dots\end{aligned}$$

ekki ræðar tölur (það er ekki hægt að skrifa þær sem brot $\frac{a}{b}$, þar sem a og b eru heilar tölur), en þær eru rauntölur.

1.4 Frumsendan um efra mark

Látum A vera mengi af rauntölum sem er þannig að til er tala x , þannig að fyrir allar tölur $a \in A$ þá er

$$a \leq x.$$

Þá er til rauntala x_0 sem kallast *minnsta efra mark* fyrir A , sem er þannig að $a \leq x_0$ fyrir allar tölur $a \in A$ og ef $x < x_0$ þá er til tala $a \in A$ þannig að $a > x$.

1.6

Bil**1.5 Skilgreining**

Látum a og b vera rauntölur þannig að $a < b$. Skilgreinum

- (i) opið bil $(a, b) = \{x \in \mathbb{R}; a < x < b\}$
- (ii) lokað bil $[a, b] = \{x \in \mathbb{R}; a \leq x \leq b\}$
- (iii) hálf opið bil $[a, b) = \{x \in \mathbb{R}; a \leq x < b\}$
- (iv) hálf opið bil $(a, b] = \{x \in \mathbb{R}; a < x \leq b\}$

Þessi bil sem er skilgreind hér fyrir ofan eru kölluð endanleg. Til eru fleiri gerðir af bilum:

- (v) opið óendanlegt bil $(a, \infty) = \{x \in \mathbb{R}; a < x\}$
- (vi) opið óendanlegt bil $(-\infty, a) = \{x \in \mathbb{R}; x < a\}$
- (vii) lokað óendanlegt bil $[a, \infty) = \{x \in \mathbb{R}; a \leq x\}$
- (viii) lokað óendanlegt bil $(-\infty, a] = \{x \in \mathbb{R}; x \leq a\}$
- (ix) allur rauntalnaásinn $(-\infty, \infty)$.

1.7

1.6 Skilgreining

Mengi A af rauntölum kallast bil ef um allar tölur $a < b$ sem eru í menginu A gildir að ef $a < x < b$ þá er x líka í menginu A . Þ.e. engin göt.

1.7 Athugasemd

(i) Sérhvert bil á rauntalnaásnum er af einni þeirra gerða sem talin er upp í Skilgreiningu 1.5. (Þessi staðhæfing er jafngild frumsendunni um efra mark.)

(ii) Það er jafngilt að segja

$$x \in (a - \eta, a + \eta)$$

og

$$|x - a| < \eta.$$

1.8

Vörpun


1.8 Skilgreining

Vörpun frá mengi X yfir í mengi Y er regla sem úthlutar sérhverju staki x í X nákvæmlega einu staki $f(x)$ í Y . Táknum þetta með $f : X \rightarrow Y$.

Stakið $f(x)$ kallast *gildi* vörpunarinnar (í punktinum x).

1.9 Skilgreining

Mengið X kallast *skilgreiningarmengi* f , mengið Y kallast *bakmengi* f og mengið $f(X) = \{f(x); x \in X\}$ kallast *myndmengi* f .





1.9

Samskeyting

1.10 Skilgreining

Látum $f : X \rightarrow Y$ og $g : Y \rightarrow Z$ vera varpanir. Vörpunin $g \circ f : X \rightarrow Z$ sem skilgreind er með $(g \circ f)(x) = g(f(x))$ kallast *samskeyting* f og g . Stakið $g(f(x)) \in Z$ fæst með því að beita fyrst vörpuninni f á stakið x og síðan vörpuninni g á stakið $f(x)$.





1.10

Eintækni/átækni


1.11 Athugasemd

Það er ekki víst að öll gildin í Y séu tekin (þ.e. $f(X)$ getur verið minna en Y). Eins þá er mögulegt að f taki sama gildið oftari en einu sinni.

1.12 Skilgreining

Við segjum að vörpunin f sé *átæk* ef $f(X) = Y$, það þýðir að fyrir sérhvert stak y í Y þá er til (amk. eitt) stak x í X þannig að $f(x) = y$.

Segjum að vörpunin f sé *eintæk* ef $f(x_1) = f(x_2)$ hefur í för með sér að $x_1 = x_2$, þ.e. sérhvert gildi sem vörpunin tekur er bara tekið einu sinni.



1.11


Andhverfa

1.13 Skilgreining

Vörpun sem er bæði eintæk og átæk kallast *gagntæk*.

1.14 Setning

Látum $f : X \rightarrow Y$ vera vörpun. Sagt er að f sé andhverfanleg ef til er vörpun $f^{-1} : Y \rightarrow X$ þannig að samskeyting varpananna f og f^{-1} annars vegar og f^{-1} og f hins vegar sé viðeigandi samsemdarvörpun, þ.e. $f^{-1} \circ f = id_X$ og $f \circ f^{-1} = id_Y$.



1.12


Graf

1.15 Athugasemd

Venjulega hjá okkur þá eru mengin X og Y mengi af rauntölum. Þegar Y er mengi af tölum þá er notast við orðið *fall* í stað orðsins *vörpun*.

1.16 Skilgreining

Látum $f : X \rightarrow Y$ vera fall þannig að X og Y eru mengi af rauntölum. *Graf* fallsins f er þá mengi allra punkta í planinu \mathbb{R}^2 af gerðinni $(x, f(x))$ þar sem $x \in X$. Notum oft y í stað $f(x)$.



1.13

Markgildi

Markgildi

1.17 Óformleg skilgreining

Segjum að $f(x)$ stefni á tölu L þegar x stefnir á a , og ritum $\lim_{x \rightarrow a} f(x) = L$, ef við getum tryggt að $f(x)$ sé eins nálægt L og við viljum bara með því að velja x nógu nálægt a .

1.18 Skilgreining

Gerum ráð fyrir að fall f sé skilgreint á opnu bili umhverfis punktinn a , nema hvað hugsanlega er $f(a)$ ekki skilgreint. Við segjum að $f(x)$ stefni á tölu L þegar x stefnir á a , og ritum $\lim_{x \rightarrow a} f(x) = L$, ef eftirfarandi skilyrði er uppfyllt:

Fyrir sérhverja tölu $\varepsilon > 0$ er til tala $\delta > 0$ þannig að um öll x þannig að

$$0 < |x - a| < \delta, \quad \text{þá er} \quad |f(x) - L| < \varepsilon.$$

1.19 Athugasemd

Þegar athugað er hvort markgildið $\lim_{x \rightarrow a} f(x)$ er til og hvert gildi þess er þá skiptir ekki máli hvort $f(a)$ er skilgreint eða ekki.

1.14

Markgildi frá hægri

1.20 Óformleg skilgreining

Gerum ráð fyrir að fall f sé skilgreint á opnu bili (a, b) . Segjum að $f(x)$ stefni á tölu L þegar x stefnir á a frá hægri, og ritum $\lim_{x \rightarrow a^+} f(x) = L$, ef við getum tryggt að $f(x)$ sé eins nálægt L og við viljum bara með því að velja $x > a$ nógu nálægt a .

1.21 Skilgreining

Gerum ráð fyrir að fall f sé skilgreint á opnu bili (a, b) . Við segjum að $f(x)$ stefni á tölu L þegar x stefnir á a frá hægri, og ritum $\lim_{x \rightarrow a^+} f(x) = L$, ef eftirfarandi skilyrði er uppfyllt.

Fyrir sérhverja tölu $\varepsilon > 0$ er til tala $\delta > 0$ þannig að um öll x þannig að

$$a < x < a + \delta, \quad \text{þá er} \quad |f(x) - L| < \varepsilon.$$

1.15

Markgildi frá vinstri

1.22 Óformleg skilgreining

Gerum ráð fyrir að fall f sé skilgreint á opnu bili (b, a) . Segjum að $f(x)$ stefni á tölu L þegar x stefnir á a frá vinstri, og ritum $\lim_{x \rightarrow a^-} f(x) = L$, ef við getum tryggt að $f(x)$ sé eins nálægt L og við viljum bara með því að velja $x < a$ nógu nálægt a .

1.23 Skilgreining

Gerum ráð fyrir að fall f sé skilgreint á opnu bili (b, a) . Við segjum að $f(x)$ stefni á tölu L þegar x stefnir á a frá vinstri, og ritum $\lim_{x \rightarrow a^-} f(x) = L$, ef eftirfarandi skilyrði er uppfyllt.

Fyrir sérhverja tölu $\varepsilon > 0$ er til tala $\delta > 0$ þannig að um öll x þannig að

$$a - \delta < x < a, \quad \text{þá er} \quad |f(x) - L| < \varepsilon.$$

1.16

1.24 Setning

Gerum ráð fyrir að fall f sé skilgreint á opnu bili umhverfis punktinn a , nema hvað hugsanlega er $f(a)$ ekki skilgreint. Þá er

$$\lim_{x \rightarrow a} f(x) = L$$

ef og aðeins ef

$$\lim_{x \rightarrow a^-} f(x) = L = \lim_{x \rightarrow a^+} f(x).$$

1.17

Önnur efnisatriði sem þið þurfið að skoða

- Jafna línu, P.2
- Jafna hrings, P.3
- Hliðrun og skölun grafs, P.3
- (Stranglega) minnkandi og (stranglega) vaxandi föll, 2.8
- Jafnstæð og oddstæð föll, P.4

3. september 2012

1.18

2.19

Markgildi

Algeng markgildi

2.1 Dæmi

- $\lim_{x \rightarrow a} c = c$, c fasti
- $\lim_{x \rightarrow a} x = a$
- $\lim_{x \rightarrow a} |x| = |a|$
- $\lim_{x \rightarrow 0} \frac{|x|}{x}$ er ekki til
- $\lim_{x \rightarrow 0^-} \frac{|x|}{x} = -1$
- $\lim_{x \rightarrow 0^+} \frac{|x|}{x} = 1$

2.20

Reiknireglur fyrir markgildi

2.2 Setning

Gerum ráð fyrir að $\lim_{x \rightarrow a} f(x) = L$ og að $\lim_{x \rightarrow a} g(x) = M$. Þá gildir

- (i) $\lim_{x \rightarrow a} (f(x) + g(x)) = L + M$;
- (ii) $\lim_{x \rightarrow a} (f(x) - g(x)) = L - M$;
- (iii) $\lim_{x \rightarrow a} f(x)g(x) = LM$;
- (iv) $\lim_{x \rightarrow a} kf(x) = kL$, þar sem k fasti;
- (v) $\lim_{x \rightarrow a} f(x)/g(x) = L/M$, að því gefnu að $M \neq 0$;
- (vi) Gerum ráð fyrir að m og n séu heiltölur þannig að $f(x)^{m/n}$ sé skilgreint fyrir öll x á bili (b, c) umhverfis a (en ekki endilega fyrir $x = a$) og að $L^{m/n}$ sé skilgreint. Þá er $\lim_{x \rightarrow a} f(x)^{m/n} = L^{m/n}$.
- (vii) Ef til er bil (b, c) sem inniheldur a þannig að $f(x) \leq g(x)$ fyrir öll $x \in (b, c)$, nema kannski $x = a$, þá er $\lim_{x \rightarrow a} f(x) = L \leq M = \lim_{x \rightarrow a} g(x)$.

2.21

VARÚÐ

2.3 Athugasemd

Liður (i) í setningunni á undan segir að ef markgildin $\lim_{x \rightarrow a} f(x)$ og $\lim_{x \rightarrow a} g(x)$ eru til þá sé markgildið $\lim_{x \rightarrow a} (f(x) + g(x))$ einnig til.

En hún segir **ekki** að ef f og g eru föll þannig að markgildið $\lim_{x \rightarrow a} (f(x) + g(x))$ er til, að þá séu markgildin $\lim_{x \rightarrow a} f(x)$ og $\lim_{x \rightarrow a} g(x)$ einnig til.

2.22

Klemmureglan

(iv)-liður í setningu 2.2 að ofan

Ef til er bil (b, c) sem inniheldur a þannig að $f(x) \leq g(x)$ fyrir öll $x \in (b, c)$, nema kannski $x = a$, þá er $\lim_{x \rightarrow a} f(x) = L \leq M = \lim_{x \rightarrow a} g(x)$.

2.4 Setning.

Gerum ráð fyrir að $f(x) \leq h(x) \leq g(x)$ fyrir öll x á bili (b, c) sem inniheldur a , nema kannski $x = a$. Gerum enn fremur ráð fyrir að

$$\lim_{x \rightarrow a} f(x) = \lim_{x \rightarrow a} g(x) = L.$$

Þá er $\lim_{x \rightarrow a} h(x) = L$.

2.23

Skiladæmi

Frágangur skiladæma

- Skrifðu upp **dæmið** og lausnina snyrtilega
- Vísu í setningar sem þú notið
- Notið ekki rökfræðitákni eins og \Leftarrow , \Rightarrow , \Leftrightarrow , \wedge , \vee
- Textinn á að vera samfelldur og læsilegur (lesu hann sjálf yfir)
- Skýrt svar/niðurstaða

2.24

Önnur efnisatriði sem þið þurfið að skoða

- Margliður; deiling, þáttun og rætur, P.6
- Tölugildisfallið, P.1
- Þríhyrningsójafnan, P.1
- Formerkjafallið, $\text{sgn}(x)$, P.5

2.25

2.26

2.27

2.28

2.29

2.30

2.31

2.32

2.33

2.34


3.35

5. september 2012

Mikilvægt markgildi

Markgildi í $-\infty$ og ∞

Markgildi þegar x stefnir á ∞



3.1 Óformleg skilgreining

Gerum ráð fyrir að fall f sé skilgreint á bili (a, ∞) . Segjum að $f(x)$ stefni á tölu L þegar x stefnir á ∞ , og ritum $\lim_{x \rightarrow \infty} f(x) = L$, ef við getum tryggt að $f(x)$ sé eins nálægt L og við viljum bara með því að velja x nógu stórt.

3.36

Markgildi þegar x stefnir á ∞ (framh)

3.2 Skilgreining

Gerum ráð fyrir að fall f sé skilgreint á bili (a, ∞) . Við segjum að $f(x)$ stefni á tölu L þegar x stefnir á ∞ , og ritum $\lim_{x \rightarrow \infty} f(x) = L$, ef eftirfarandi skilyrði er uppfyllt

fyrir sérhverja tölu $\varepsilon > 0$ er til tala R þannig að um öll $R < x$ gildir að $|f(x) - L| < \varepsilon$.

3.37

Markgildi þegar x stefnir á $-\infty$

Fyrir $-\infty$ er þetta gert með sama sniði.

3.3 Óformlega skilgreining

Gerum ráð fyrir að fall f sé skilgreint á bili $(-\infty, a)$. Segjum að $f(x)$ stefni á tölu L þegar x stefnir á $-\infty$, og ritum $\lim_{x \rightarrow -\infty} f(x) = L$, ef við getum tryggt að $f(x)$ sé eins nálægt L og við viljum bara með því að velja x sem nógu stóra mínus tölu.

3.4 Skilgreining

Gerum ráð fyrir að fall f sé skilgreint á bili $(-\infty, a)$. Við segjum að $f(x)$ stefni á tölu L þegar x stefnir á $-\infty$, og ritum $\lim_{x \rightarrow -\infty} f(x) = L$, ef eftirfarandi skilyrði er uppfyllt

fyrir sérhverja tölu $\varepsilon > 0$ er til tala R þannig að um öll $x < R$ gildir að $|f(x) - L| < \varepsilon$.

3.38

∞ sem markgildi

3.5 Óformleg skilgreining.

Gerum ráð fyrir að fall f sé skilgreint á opnu bili umhverfis punktinn a , nema hvað hugsanlega er $f(a)$ ekki skilgreint. Segjum að $f(x)$ stefni á ∞ þegar x stefnir á a , og ritum $\lim_{x \rightarrow a} f(x) = \infty$, ef við getum tryggt að $f(x)$ sé hversu stórt sem við viljum bara með því að velja x nógu nálægt a .

3.6 Skilgreining.

Gerum ráð fyrir að fall f sé skilgreint á opnu bili umhverfis punktinn a , nema hvað hugsanlega er $f(a)$ ekki skilgreint. Við segjum að $f(x)$ stefni á ∞ þegar x stefnir á a , og ritum $\lim_{x \rightarrow a} f(x) = \infty$, ef eftirfarandi skilyrði er uppfyllt

fyrir sérhverja tölu B er til tala $\delta > 0$ þannig að um öll x þannig að $0 < |x - a| < \delta$ gildir að $f(x) > B$.

3.39

Málvenja

3.7 Athugasemd.

Athugið að ∞ er **ekki** tala. Þó að $\lim_{x \rightarrow a} f(x) = \infty$ þá er samt sagt að markgildið $\lim_{x \rightarrow a} f(x)$ sé ekki til.

3.40

$-\infty$ sem markgildi

3.8 Óformleg skilgreining.

Gerum ráð fyrir að fall f sé skilgreint á opnu bili umhverfis punktinn a , nema hvað hugsanlega er $f(a)$ ekki skilgreint. Segjum að $f(x)$ stefni á $-\infty$ þegar x stefnir á a , og ritum $\lim_{x \rightarrow a} f(x) = -\infty$, ef við getum tryggt að $f(x)$ sé hversu lítið sem við viljum bara með því að velja x nógu nálægt a .

3.9 Skilgreining.

Gerum ráð fyrir að fall f sé skilgreint á opnu bili umhverfis punktinn a , nema hvað hugsanlega er $f(a)$ ekki skilgreint. Við segjum að $f(x)$ stefni á $-\infty$ þegar x stefnir á a , og ritum $\lim_{x \rightarrow a} f(x) = -\infty$, ef eftirfarandi skilyrði er uppfyllt

fyrir sérhverja tölu B er til tala $\delta > 0$ þannig að um öll x þannig að
 $0 < |x - a| < \delta$ gildir að $f(x) < B$.

3.41

Málvenja

3.10 Athugasemd.

Athugið að $-\infty$ er **ekki** tala. Þó að $\lim_{x \rightarrow a} f(x) = -\infty$ þá er samt sagt að markgildið $\lim_{x \rightarrow a} f(x)$ sé ekki til.

3.42

Markgildi með sin

3.11 Sýnidæmi

•

$$\lim_{x \rightarrow 0} \sin\left(\frac{1}{x}\right) \text{ er ekki til}$$

•

$$\lim_{x \rightarrow 0} x \sin\left(\frac{1}{x}\right) = 0$$

•

$$\lim_{x \rightarrow 0} \frac{\sin(x)}{x} = 1$$

3.43

Samfelldni

Samfelldni

3.12 Skilgreining.

Látum $A \subseteq \mathbb{R}$ og $x \in A$. Við segjum að x sé *innri punktur* A ef A inniheldur opið bil umhverfis x , það er að segja til er tala $\delta > 0$ þannig að $(x - \delta, x + \delta) \subseteq A$.

Ef x er ekki innri punktur A og $x \in A$ þá segjum við að x sé *jaðarpunktur* A .

3.13 Skilgreining.

Látum f vera fall og c innri punkt skilgreiningarsvæðis f . Sagt er að f sé *samfelld* í *punktinum* c ef

$$\lim_{x \rightarrow c} f(x) = f(c).$$

3.44

3.14 Setning

Látum f og g vera föll. Gerum ráð fyrir að c sé innri punktur skilgreiningarsvæðis beggja fallanna og að bæði föllin séu samfelld í punktinum c . Þá eru eftirfarandi föll samfelld í c :

- (i) $f + g$
- (ii) $f - g$
- (iii) fg
- (iv) kf , þar sem k er fasti
- (v) f/g , ef $g(c) \neq 0$
- (vi) $(f(x))^{1/n}$, að því gefnu að $f(c) > 0$ ef n er slétt tala og $f(c) \neq 0$ ef $n < 0$.

3.45

Samskeyting samfelldra falla

3.15 Setning

Látum g vera fall sem er skilgreint á opnu bili umhverfis c og samfelld í c og látum f vera fall sem er skilgreint á opnu bili umhverfis $g(c)$ og samfelld í $g(c)$. Þá er fallið $f \circ g$ skilgreint á opnu bili umhverfis c og er samfelld í c .

3.46

Hefð

3.16 Athugasemd

Ef fall er skilgreint með formúlu og skilgreingamengið er ekki tilgreint sérstaklega, þá er venjan að líta alla þá punkta þar sem formúlan gildir sem skilgreingarmengi fallsins

3.47

Samfelld föll

3.17 Skilgreining

Við segjum að fall f sé *samfelld* ef það er samfelld í sérhverjum punkti skilgreingarmengisins.

3.18 Dæmi

Eftirfarandi föll eru samfelld

- (a) margliður
- (b) ræð föll
- (c) ræð veldi
- (d) hornaföll; \sin , \cos , \tan
- (e) tölugildisfallið $|x|$

3.48

Að búa til samfelld föll

3.19 Athugasemd

Með því að nota föllin úr Dæmi 3.18 sem efnivið þá getum við búið til fjölda samfelldra fall með því að beita aðgerðunum úr Setningu 3.14 og Setningu 3.15.

3.49

10. september 2012

4.50

Samfelldni

Upprifjun

4.1 Skilgreining

Látum f vera fall og c innri punkt skilgreiningarsvæðis f . Sagt er að f sé *samfelld í punktinum* c ef

$$\lim_{x \rightarrow c} f(x) = f(c).$$

4.2 Athugasemd

Þessi skilgreining virkað aðeins fyrir innri punkta skilgreiningarsvæðisins. Hins vegar getum við útvíkkað skilgreininguna á samfelldni fyrir hægri og vinstri endapunkta bila með því að einskorða okkur við markgildi frá vinstri og hægri.

4.51

Hægri/vinstri samfelldni

4.3 Skilgreining

- (i) Fall f er *samfelldt frá hægri í punkti c* ef $\lim_{x \rightarrow c^+} f(x) = f(c)$.
Hér er gert ráð fyrir að fallið f sé amk. skilgreint á bilinu $[c, a)$.
- (ii) Fall f er *samfelldt frá vinstri í punkti c* ef $\lim_{x \rightarrow c^-} f(x) = f(c)$.
Hér er gert ráð fyrir að fallið f sé amk. skilgreint á bilinu $(a, c]$.

4.52

Samfelld föll

4.4 Skilgreining (uppfærð)

Gerum ráð fyrir að f sé fall sem er skilgreint á mengi A , þar sem A er sammengi endanlega margra bila. Við segjum að fallið f sé *samfelldt* ef það er samfelldt í öllum innri punktum skilgreingarmengisins, og ef það er samfelldt frá hægri/vinstri í jaðarpunktum skilgreingarmengisins, eftir því sem við á.

4.5 Athugasemd

Ef fall er samfelldt á opnu bili (a, b) , og ef $a < c < d < b$, þá er fallið einnig samfelldt á bilinu $[c, d]$.

4.53

Há- og lággildislögmálið

4.6 Setning

Látum f vera samfelldt fall skilgreint á lokuðu takmörkuðu bili $[a, b]$. Þá eru til tölur x_1 og x_2 í $[a, b]$ þannig að fyrir allar tölur x í $[a, b]$ er

$$f(x_1) \leq f(x) \leq f(x_2).$$

Þetta þýðir að samfelldt fall f á lokuðu og takmörkuðu bili $[a, b]$ tekur bæði hæsta og lægsta gildi á bilinu. Hæsta gildið er þá $f(x_2)$ og lægsta gildið er $f(x_1)$.

4.7 Athugasemd

Það er mögulegt að fallið taki há/lággildi sitt í fleiri en einum punkti.

4.54

Milligildissetningin

4.8 Setning

Látum f vera samfelldt fall skilgreint á lokuðu takmörkuðu bili $[a, b]$. Gerum ráð fyrir að s sé tala sem liggur á milli $f(a)$ og $f(b)$. Þá er til tala c sem liggur á milli a og b þannig að $f(c) = s$.

./myndir/kafl101/04_Milligildssetningin.png

4.55

4.9 Fylgisetning

Ef $P(x) = a_n x^n + a_{n-1} x^{n-1} + \dots + a_1 x + a_0$ er margliða af oddatölu stigi, þá er til rauntala c þannig að $P(c) = 0$.

Sönnun

Gerum ráð fyrir að $a_n > 0$. Þá er $\lim_{x \rightarrow -\infty} P(x) = -\infty$ og $\lim_{x \rightarrow \infty} P(x) = \infty$. Það þýður að til eru tölur a og b þannig að $P(a) < 0$ og $P(b) > 0$. Með því að beita Milligildissetningunni á fallið P á bilinu $[a, b]$ og með $s = 0$ þá fæst að til er núllstöð á bilinu $[a, b]$.

Ef $a_n < 0$ þá víxlast markgildin að ofan en röksemdafærslan er að öðru leyti eins.

4.56

Diffrun

Afleiða falls

4.10 Skilgreining.

Látum x vera innri punkt skilgreiningarsvæðis falls f . Afleiða falls f í punkti x er skilgreind sem

$$f'(x) = \lim_{h \rightarrow 0} \frac{f(x+h) - f(x)}{h}.$$

Ef markgildið er til þá er sagt að fallið f sé *difffranlegt* í *punktinum* x en annars er sagt að fallið sé *ekki difffranlegt* í *punktinum* x .

4.11 Setning

Ef fall f er difffranlegt í punkti c þá er f samfelld í punktinum c .

Sönnun

Skoðum markgildið $f'(x) = \lim_{h \rightarrow 0} \frac{f(c+h) - f(c)}{h}$. Þar sem $h \rightarrow 0$ þá verður teljarinn einnig að stefna á 0. Það er $\lim_{h \rightarrow 0} f(c+h) - f(c) = 0$, eða $\lim_{h \rightarrow 0} f(c+h) = f(c)$. Þetta má einnig rita $\lim_{x \rightarrow c} f(x) = f(c)$, sem þýðir að fallið f er samfelld í $x = c$.

4.57

4.12 Athugasemd

Fall getur verið samfelld í punkti c án þess að það sé jafnframt diffranlegt í c .

4.13 Dæmi

Fallið $f(x) = |x|$ er samfelld. En það er ekki diffranlegt í punktinum $x = 0$. Það sést af því að

$$\lim_{h \rightarrow 0^+} \frac{f(0+h) - f(0)}{h} = \lim_{h \rightarrow 0^+} \frac{|h|}{h} = 1$$

en

$$\lim_{h \rightarrow 0^-} \frac{f(0+h) - f(0)}{h} = \lim_{h \rightarrow 0^-} \frac{|h|}{h} = -1.$$

Það er, markgildið $\lim_{h \rightarrow 0} \frac{f(0+h) - f(0)}{h}$ er ekki til.